

INDEX GEOGRAPHICUS. 41

Marc. 6. v. 45. . . Ergo desertum hoc respectu Beth-saidæ est trans fretum Maris Galilææ.

Dibon, urbs in Tribu Gad. Numer. 32. v. 3. inter urbes, quas sibi dari postulant Tribus Ruben & Gad, quamvis ultra Jordanem, & extra Terram promissam, quia ea omnis Regio uberrima erat, & ad pastum animalium, quibus abundabant, apta. Dibon antea Moabitarum fuit, posteaque Regis Sehon Amorrhæorum. Rem narrat Moyses, Num. 21. v. 26. Urbs Hesebon (inquit) fuit Sehon Regis Amorrhæorum, qui pugnavit contra Regem Moab, & tulit omnem Terram, quæ ditionis illius fuerat usque Arnon. . . & v. 30. Jugum ipsorum disperiit ab Hesebon usque Dibon. Contra Dibon & Moab prophetant Isaias & Jeremias.

Dibongad Israëlitarum statio in deserto, & inter Jieabarim & Helmondeblathaim, Numer. 33. v. 45.

Dimona quinta describitur inter viginti novem urbes primæ partis Tribus Juda, & inter Cina & Adada, Josue 15. v. 22.

Dion. Josephus ejus aliquoties meminit in Antiq. Eam Ptolemæus Dium vocat in Cœlesyria, & penes Pellam & Philadelphiam.

Doch. 1. Mach. 16. v. 15. & 16. Munitio, in qua Ptolemæus Abobi filius Simonem Machabæum, & Mathathiam, & Judam filios ejus in convivium vocatos, dolose interemit.

Dodanim inter filios Javan quartus & ultimus, ex Genes. 10. v. 4. & 1. Paralip. 1. v. 7. Hujus posteros ponimus ad Danubium, ubi postea Illyricum Orientale. Vide Javan.

Domes vicus Josepho in vita sua. Necdum positio data est.

Dommin regiuncula in Tribu Juda penes Socho & Azeca, ubi castrametati sunt Philisthiim contra Israël, qui congregati venerunt in Vallem Terebinthi, 1. Reg. 17. v. 1. & 2. ibidem & Phesdommin, 1. Paralip. 11. v. 13.

Domna. Vide Remmon-Amthar.

Dor, Josue 11. v. 2. & 12. v. 23. Rex Dor, & Provinciæ Dor unus, inter Reges ab Israëlitis devictos, percussosque. Ea est urbs ad mare, & in hæreditate Manasse, 17. v. 11. Dor cum oppidis suis. Sed Judic. 1. v. 27. Manasse non delevit. . . habitatores Dor. Iterum dicitur in Manasse, 1. Paralip. 7. v. 29. Dora est, 1. Mach. 15. v. 11. 13. 25. Eam Antiochus Demetrii filius obsedit cum centum & viginti millibus bellatorum, & octo millibus equitum, ut Tryphonem caperet, occideretque.

Dothaim locus, in quo cum Joseph fratres suos patris greges pascen-tes inviseret, ipsi eum jam sibi invisum occidere voluerunt; sed Ruben nolente, expoliatum tunicâ polymitâ, in Cisternam veterem projece-runt. . . In libro Judith dicitur Dothain juxta faciem magni campi, qui contra Esdreton, 4. v. 5. & 7. v. 3. Holofernus exercituum vestigia describens, à loco qui dicitur Belma, & ab Chelmon, qui contra Esdreton, dicit eos venisse per crepidinem montis, usque ad apicem, qui respicit juxta Dothain. Dothan scribitur 4. Regum 6. v. 13. Cum Elisæus ab ex-ercitu Regis Syriæ circumdatus, ut caperetur, eos obcæcatos ipsemet in Samariam deduxit: & cibo, potuque refectos ad sua remisit. Domes forte erit Josepho.

Drusus five Turris Josepho 14. Antiq. c. 13. in Cæsareæ portu ædificata ab Herode Rege, & in gratiam Drusi filii uxoris Cæsaris sic nominata.

Duma filiorum Ismaëlis sextus. 1. Paralip. 1. v. 30. V. Ismaël.

Latit.
Gr. Scr.

Longit.
Gr. Scr.

31. 50. 67. 29.

31. 7. ¹/₂ 67. 22. ¹/₂

31. 1. 66. 12.

32. 20. 68. 15.

31. 54. 67. 14.

44. 0. 50. 0.

31. 28. 66. 10.

32. 44. 66. 28.

32. 43. 67. 22.

32. 37. 66. 20.

29. 0. 75. 0.